



Ортимдан юр

Ўқув қўлланма

Биринчи нашр, январ 2013

Тим Грин



Буюк Британия Бирлашган Қироллигида, Lulu.com иштирокида 2013-йил чоп этилди.

Муаллифлик ҳуқуқлари © Tim Green 2013. Барча ҳуқуқлар ҳимоя қилинган.

Ўқувчилар фотонусха ёки электрон йўли орқали ушбу қўлланмадан иккита дарсгача чекланмаган миқдорда қайта чиқаришлари мумкин. Иккитадан ортиқ дарсни қайта чиқариш ёки тўлиқ курснинг pdf форматига эга бўлиш учун рўйхатдан ўтишни истаганлардан comefollowmecourse@gmail.com га ёзиб, муаллиф билан боғланишни сўраймиз.

Каломда ёзилган барча парчалар, агар белгиланмаган бўлса, Шарқ халқлари учун махсус таржима қилинган Муқаддас Китобдан олинган. © 2003, 2009, 2013 IMB-ERTP ва Biblica Inc. ®. Барча ҳуқуқлар ҳамма жойда ҳимоя қилинади.

ISBN 978-1-291-41136-2

*Исо Масихда янги ҳаёт қуришни мақсад қилган, тушунишни истамай,
ҳақиқатни рад этиб келган оилалари ва эски қадрдонлари ҳақида ғамхўрлик
қилишни давом эттирган ҳолда Масих жамоатида ўз ўрнини топишга
интилганларга бағишланади.*

Ушбу мурожаатни ўқиш билан бошлашингизни илтимос қиламиз.

“Ортимдан юр” курси Исо Масихга эргаша бошлаганларга мўлжалланган. Ушбу курсдан қўзланган мақсад – уларга ўз имонида ўсишга ва Масих жамоатида мустақкам ўрнашишга ёрдам бериш.

Ушбу курсни мустақил равишда ўрганмаслигингизни сўраймиз – бу сизга катта наф олиб келмайди. Бунинг ўрнига Масихга эргашган ва сизга мураббий сифатида ёрдам бера оладиган, билими ўткир бир одамни топинг. Уйда ўрганилган ҳар бир дарсдан кейин мураббий билан учрашинг. Дарсдан билиб олганларингизни ва бу билимларни амалда қандай қўллай олишингизни бирга муҳокама қилинглр. Ҳаётингиздаги муаммолар ҳақида мураббийингиздан маслаҳат сўранг. Сизлар бирга ибодат қилиб, Исо Масихда бир-бирингизга далда беришингиз мумкин.

Ушбу курс гуруҳда, бошқа имонлилар билан бирга ўтилса, бу сиз учун янада фойдалироқ бўлади.

Агар сиз “Ортимдан юр” дарслигини ишлатаётган мураббий бўлсангиз, бу ҳолда Мураббий учун қўлланма топишингизни сўраймиз. Унда ушбу курс бўйича қандай иш олиб бориш лозимлиги тушунтирилади. Шунингдек, қўлланма шогирд орттириш ва гуруҳда баҳс-мунозаралар олиб бориш бўйича асосий принципларни ўз ичига олади. “Маданиятларга оид йўл-йўриқлар” сизга ушбу курсга киритилган мавзуларни тушунишга ёрдам беради. Ҳар бир дарс бўйича муҳокама учун батафсил саволлар тақдим этилади. Шу тариқа, Мураббий учун қўлланма сизга кўп фойда келтириши мумкин. Қуйида келтирилган электрон манзилга сўров юбориб, pdf форматида бериладиган курсни бепул юклаб олишингиз ёки www.lulu.com/shop/tim-green/come-follow-me-advisors-guide/paperback/product-21409862.html сайтидан қоғозда чоп этилган шаклда сотиб олишингиз мумкин.

Ушбу курснинг фойдали томонлари ва шунингдек, уни такомиллаштиришга оид фикр ва таклифларингизни юборишингизни сўрайман. Ушбу қўлланманинг охириги саҳифасида берилган баҳолаш саволларидан фойдаланинг ёки ўз сўзларингиз билан ёзинг. Шунингдек, кейинги, шунга ўхшаш курслар ҳақида маълумот олиш учун мен билан боғланишингиз мумкин. Сизда яхши материаллар (интернет тармоғидан олиш мумкин бўлган ёки аудио, видео форматида) бўйича таклифлар бўлса, мен билан боғланишингизни сўрайман.

Ҳар қандай таклиф қабул қилинади.

Ташаккур!

Тим Грин

comefollowmecourse@gmail.com

Ортимдан юр

Ўқув қўлланма

МУНДАРИЖА

Ўқувчи учун қўлланма

Бўлимлар

Бет

1 Масихга шогирд бўлиб.....	8
2 Масихда янги ҳаёт.....	17
3 Ота Худо.....	26
4 Масихга Унинг Руҳи қудрати билан бўйсунуш.....	35
5 Худо билан қандай гаплашиш.....	44
6 Худонинг биз учун Каломи.....	53
7 Масих жамоатининг аъзолари.....	62
8 Икки жамият аъзолари.....	71
9 Қувғинларнинг сабаблари.....	79
10 Ҳақоратларга ва қувғинларга қандай жавоб бериш.....	87
11 Эр-хотинлар.....	96
12 Низоларни бартараф этиш.....	106
13 Гувоҳлик бериш.....	117
14 Сувга чўмиш маросими.....	127
15 Тўғри йўл.....	136
16 Севги қонуни.....	145
17 Рўза ва хайр-эҳсон.....	154
18 Тақдир ва афсунгарлик.....	164
19 Бир-бирига хизмат қилиш.....	175
20 Самога зиёратимиз.....	185
Илова: Ушбу курс давомида ёд олиш учун берилган оятлар	
1-илова Худо билан ўтказадиган ҳар кунги вақтим.....	195
2-илова Худога қандай эришиш.....	198
Фикр ва мулоҳазалар, изоҳлар.....	201




Ўқувчи учун кўрсатма

1

Хуш келибсиз!

Ушбу курс сизга Раббий Исо Масихга кун сайин эргашиб боришда ёрдам беради. Мен сизга мураббийлик қиламан, бу ерда эса сизга кўрсатмалар берилади, улар сизга ушбу курсдан наф олишга ёрдам беради.



2

Ушбу курсни мустақил равишда ўрганманг, бу сизга катта наф олиб келмайди. Масихга эргашган ва сизга мураббий сифатида ёрдам берадиган, билими ўткир одамни топишингизни сўраган бўлар эдик. Уйда ўрганилган ҳар бир дарсдан кейин мураббий билан учрашинг. Худди шу мақсадда, сиз сингари, ушбу курсни ўтаётган одамлар билан учрашиб туришни йўлга қўйсангиз, яна ҳам яхши бўлади.

3

Ва энг муҳими – ушбу дарсларни ҳар куни амалда қўллаб боринг! Ҳар бир дарс сиз ҳафта давомида бажаришингиз керак бўлган “Амалий топшириқлар” ни ўз ичига олади.

1. Ҳар бир саволни диққат билан ўқинг.
2. Қолдирилган бўш жойларга ўз жавобингизни ёзинг ёки белги қўйинг [✓].
3. Жавобни ёзганингиздан кейин дарс охирида берилган жавобларга қараб, текшириб кўришингиз мумкин.
4. Дарс бажарилгач, асосий бандларни такрорлаш учун дарсни қайтадан кўриб чиқинг.
5. Айрим саволларда муҳокама вақтида шахсий фикрни билдириш талаб этилади. Ўхшаш саволларга жавоб берганингизга ва уларни муҳокама қилишга тайёрлигингизга ишонч ҳосил қилинг.
6. Дастлабки бешта дарс учун сизга фақат мана шу ўқув қўлланманинг ўзи керак бўлади. Олтинчи дарсдан бошлаб, сизда қўлланмадан ташқари шахсий Муқаддас Китоб нусхасидан фойдаланишга эҳтиёж туғилади. Ушбу курс давомида биз асосан Шарқ халқлари учун махсус таржима қилинган Муқаддас Китобдан фойдаланамиз, лекин сиз бошқа таржимадан ҳам фойдаланишингиз мумкин. Муқаддас Китоб кўп тилларга таржима қилинган бўлсада, уларнинг ҳаммасига битта асл нусха ягона манба бўлиб хизмат қилади. Асл нусхани ўзгартириб бўлмайди.



7. Бутун дунёда келиб чиқиши худди сизга ўхшаш бўлган, Исо Масихнинг издошлари жуда кўпчиликни ташкил қилади. Уларнинг айримлари ўқимишли, бошқалари аксинча. Ушбу курс оддий тилда ёзилган бўлиб, ҳатто билим даражаси кўп чуқур бўлмаган одамлар ҳам уни тушуна олади. Сизга, эҳтимол, таълим беришнинг бундай усули бир мунча соддароқдек кўриниши мумкин, бироқ ҳамма гап сизнинг бу ерда ёзилган ҳақиқатларга ҳаётда амал қилишингиз ёки қилмаслигингизда. Худо учун муҳимроғи сизнинг билим даражангиз эмас, балки қай даражада Унга итоат қилишингиздир. Агар бу таълимотга қулоқ солиб, амал қилсангиз, бундан фойда топасиз.
8. Эсда тутинг, мураббийингиз ўзининг вақтини аямай сизга ёрдам берапти. Бу одамга ҳурмат-эҳтиромда бўлиб, муҳокама учун учрашувларга ўз вақтида етиб келинг, уйга вазифаларни ҳам тўла-текис бажариб боринг.

Энди, келинг, Худодан мадад сўраб, машғулотиимизни бошлайлик!



2 Раббимиз Исо бу сўзларни бу дунёда бўлган вақтида айтди. У одамларни Унинг ортидан юришга чақирган. Айримлар Унинг чақириғига жавоб бериб, хурсанд бўлиб, Унга эргашишди. Бошқалар Уни рад этди. Масих бугун ҳам тирик, У ҳозир ҳам бизни таклиф қилмоқда.

У нима дейди? Менинг _____ ”.

Менинг ортимдан юр

Исо Масихга шогирд бўлиб

3 Келинг, қандай қилиб Исо Масихга шогирд бўлиш мумкинлигини билиб олайлик? Биз Шимўн исмли балиқчининг қилган ишидан ўртак олишимиз мумкин, у Масихга энг биринчи бўлиб эргашганлардан бири ҳисобланади. Келинг бу ҳақда Муқаддас Китобдан ўқийлик:

Бир куни Исо Жалила кўли бўйида турганда, оломон Худонинг сўзини эшитиш учун Исонинг ёнида тирбанд бўлди. Исо кўл қирғоғида турган икки қайиқни кўрди. Балиқчилар қайиқдан чиқиб, тўрларини юваётган эдилар. Қайиқлардан бири Шимўнники* эди. Исо Шимўннинг қайиғига тушиб, қирғоқдан бир оз нарироқ сузиб боришни илтимос қилди. Сўнг ўтириб, ўша ердан одамларга таълим берди.

Исо гапини тугатиб, Шимўнга деди:

— Чуқурроқ ерга сузиб бориб, ўлжа учун тўрларингизни ташланглар.

Шимўн Исога шундай деди:

— Устоз, биз тун бўйи астойдил ҳаракат қилдик, лекин ҳеч нарса тутолмадик.

Аmmo Сиз айтганингиз учун тўр ташлаймиз. Улар тўр ташлаганларида, шу қадар кўп балиқ овладиларки, ҳатто тўрлари йиртила бошлади. Улар бошқа қайиқдаги ўртоқларига, ёрдам беринглар, деб ишора қилдилар. Қайиқлар етиб келгач, иккала қайиқни ҳам балиққа тўлдирдилар, қайиқлар сувга бота бошлади.

Шимўн буни кўрди—да, Исонинг олдида тиз чўкиб деди:

— Ҳазрат! Менинг ёнимдан кетинг, чунки мен гуноҳкор инсонман.

Шимўн ва ёнидагилар бундай мўл балиқ овидан ҳайратга тушган эдилар.

Шимўннинг шериклари Забадиё ўғиллари Ёқуб билан Юҳанно ҳам ҳайратда эдилар.

Исо Шимўнга деди:

— Кўрқма, бундан буён сен инсонларни овлайсан.

Улар қайиқларини қирғоққа тортдилар ва ҳамма нарсаларини қолдириб, Исога эргашдилар.

Муқаддас Китоб, Луқо 5:1-11.



Ушбу парчани бошдан охиригача ўқиб чиққан бўлсангиз, мана бу ерга □ галочка (✓) қўйинг ва дарсни давом эттиринг.

- 4 Исонинг шогирди бўлиш учун Шимўн тўрт қадамни босган кўринади. Бугунги кунда ҳам одамлар Раббий Исо Масиҳнинг шогирди бўлиш учун айнан ўша тўрт қадамни босиб келмоқда. Келинг, ушбу қадамларни ўрганайлик.

Биринчи қадам: Гуноҳдан воз кечиш.

Шимўн балиқ билан боғлиқ мўъжизага гувоҳ бўлгач, унинг кўзи очилди. У Раббий Исо Масиҳнинг муқаддаслигини ва бунга қарама-қарши равишда, ўзининг гуноҳкорлигини тан олди. Шимўн Исога нима деди? “Ҳазрат! Менинг ёнимдан кетинг, чунки мен _____”. (юқорида келтирилган парчанинг охириги абзацига қаранг).

- 5 Шимўн ўзининг “гуноҳкор инсон” эканлигини тан олди. У ҳеч кимнинг қонини тўкмаган, хотинига хиёнат қилмагандир эҳтимол, лекин Исо унинг хаёлу юрагидаги ниятларини кўра олган. Шимўн ўзининг уятли сирларини ёки ёвуз ниятларини Раббий Исодан пинҳон сақлай олмасди.

Сизда-чи? Ошкора қилинса агар, уятдан ўзингизни қўярга жой тополмайдиган даражада яширин сирлар борми? Бу сирларни қўшниларингиздан ёки оилангиздан яшира оларсиз балки, лекин Исо Масиҳдан яшира олмайсиз. Шифокор рентген аппаратида олинган суратда танангиздаги ҳар бир суякни қанчалик аниқ ва равшан кўра олгани каби, Исо ҳам ҳаётингиздаги ҳар бир яширин ёвузликни шундай аниқ кўриб туради!

- **Тўхтанг ва Исо Масиҳдан ҳаётингизнинг қоронғу томонларини сизга кўрсатишни сўранг.**

- 6 Аслида ҳар бир одам гуноҳга булғанган. Шу дамда шоир Умар Хайёмнинг сўзлари ёдга келади:

“Гуноҳ булғамаган борми ҳеч кимса? Айт Ўзинг.
Гуноҳсиз бўлдикми биз, Раббий? Айт Ўзинг
Ёвузлик қилсам агар, жазо муқаррар,
Демак, йўқ экан-да фарқ орамизда. Айт Ўзинг!”

Ҳеч бир одам ўзининг гуноҳларини Худодан яшира оладими? [Ҳа / Йўқ]
(*тўғри жавобни тагига чизинг*)

7. Илгари сизга Худо ўзини поклаган одамларни яхши кўриши, ёмон иш қилганлардан нафратланиши ҳақида ўргатишган. Бироқ Исо мутлақ пок Зот бўла туриб, гуноҳкор инсон бўлган Шимўндан нафратландими? Ажабланарлиси шуки, Исо ундан нафратланмади! Исо Шимўнга нима деди? (*учинчи савол ёзилган парчага қаранг ва тўғри жавобни белгиланг*).

- ___ а) “Йўқол олдимдан!”
___ б) “Кўрқма”




8. Шимўн Исонинг: “Кўрқма” деганини эшитиб, ўзини жуда енгил ҳис қилгани шубҳасиз. Агар сиз худди Шимўн сингари, гуноҳкор инсон эканлигингизни англасангиз, тушкунликка тушманг. Исо Масиҳ сизни кечиришга ва тўлиқ поклашга тайёр!

Ушбу, бир-бирига мутлақ тескари бўлган икки одамга қаранг:



Исо Масиҳ бу ерда иккисидан қайси бирини поклайди, ўзини мағрур тутган Темурними ёки камтарин Алиними? _____

9 Раббий Исо: “Мен ... гуноҳкорларни тавбага чақиргани келганман” дейди (Луқо 5:32). “Тавба қилмоқ” деган иборанинг асл мазмуни ўгирилиш ва тескари томонга юриш маъносини беради. Расмда кўрсатилган иккала одамга қаранг:



а) Иккаласидан қайси бири тавба қилди, 1-расмдагими ёки 2-расмдагими? _____

б) Иккаласидан қайси бири эски йўлидан юришни давом эттирмоқда, 1-расмдагими ёки 2-расмдагими? _____

10 “Тавба қилмоқ” бу шунчаки гуноҳлар учун пушаймон бўлиш дегани эмас. Бу биз гуноҳдан тамомила юз ўгиришимизни, худди 2-расмдаги одамга ўхшаб, йўлимиздан қайтишимиз кераклигини англатади. Демак, чиндан тавба қилинганликнинг далолати нимада намоён бўлади? (жавоблардан бирини белгиланг)

___ а) гуноҳ билан булганган ҳаёт ҳақида пушаймон бўлмасликда;

___ б) қилинган гуноҳлар учун пушаймон бўлиб ҳам, ҳаёт тарзини ўзгартирмасликда;

___ в) гуноҳдан тамомила юз ўгирган ҳолда, ҳаёт тарзини ўзгартиришда.



- 11 Шимўннинг Исога шогирд бўлиш йўлида босган дастлабки қадами нимадан иборат бўлган? _____ юз ўгиришдан.

Иккинчи қадам: Баҳосини тушуниш

- 12 Шимўннинг кейинги қадами Масихга эргашишнинг баҳосини тушуниш бўлди. Шимўн қийин танлов олдида турган. Уни иккита фикр ўйлантирган бўлиши мумкин:

Агар Масихга эргашсам, гуноҳларим кечирилади, юрагимга тинчлик топаман, Худонинг жаннат ҳақида берган ваъдаси менда ушалади. Худони шахсан таниб биламан ва Унга хизмат қиламан.



Бироқ, Масихга эргашсам, ўзимни хавф-хатарларга тутиб беришимга ва кўп нарсадан воз кечишимга тўғри келади: балиқчиликдан, эски, гуноҳли ҳаётдан ва эҳтимол, ҳатто оиламдан ҳам воз кечишимга тўғри келар!

Шимўн нимани тушуниб етди? Масихга эргашишнинг _____.

- 13 Исо Масих масалларининг бирида Унинг ортидан эргашишнинг баҳоси қанчалик қиммат бўлиши мумкинлигини кўрсатди:

Осмон Шоҳлиги нодир марварид излаётган бир савдогарга ўхшайди. Савдогар қимматбаҳо марваридни топганда, бор-йўғини сотиб, марваридни харид қилибди

(Матто 13:45,46)



Исога эргашиш учун воз кечишингизга тўғри келиши мумкин бўладиган энг қимматли нарсани кўрсатинг.

Қуйидаги вариантлардан биттасини ёки бир нечтасини белгиланг: (*шахсан сизга тааллуқлисини*)

- ___ а) жамиятда эгалланган обрў-эътибор
 ___ б) иш ёки бизнес
 ___ в) оила
 ___ г) ўзингизга тегишли мол-мулк ёки мерос
 ___ д) бошқа нарсалар (*ўзингиз билган жавоб вариантини ёзинг*) _____

- 14 Бироқ “Қимматбаҳо марварид” бунга арзийди! Шундай экан, Масих учун нимани қурбон қилмайлик, шуни эсда тутингки, У биз учун хочда бунданда катта қурбонлик келтирган!

Лекин биз ҳали гуноҳга ботган чоғимизда, Масих биз учун ўлди. Шу йўсинда Худо бизга бўлган Ўз меҳр-муҳаббатини намён қилди
 (Римликларга 5:8).

Шундай экан, ким каттароқ баҳо тўлади: бизми ёки Масихми?

9-10 дарсларда Исо Масих қувғинлар вақтида бизга қандай ёрдам бериши ҳақида тушунтирилади.

Учинчи қадам: Масихга ишониш

- 15 Масихга шогирд бўлиш учун Шимўнга биринчидан гуноҳдан воз кечишга, иккинчидан эса Масихга эргашишнинг баҳосини тушуниб етишга тўғри келди. Энди навбат учинчи қадамга: Масихга ишониш.

Учинчи саволга келиб биз яна юқорида келтирилган парчадаги охирги гапни ўқиймиз. Шимўн ва унинг дўстлари Исонинг чақирувига жавобан нима қилишди? (*бўш жойларни тўлдириг*).

“Улар қайиқларини қирғоққа тортдилар ва ҳамма нарсаларини _____, Исога _____”.

- 16 Шимўн ўзининг янги йўлбошчиси Исога тўлиқ ишонч билдирди. Биз кундалик ҳаётда ўзга одамга қандай қилиб ишонч билдирамиз? Қуйида бунга бир нечта мисоллар келтирилади:

- ✓ **Толиққан бола**, отаси уни қўлига олиши ва кўтариб бориши учун, отасига қўлларини узатади ва бу билан унга ишонч билдиради.
- ✓ **Бемор** дори қабул қилиб, бу билан шифокорга ишонч билдиради.
- ✓ **Йўловчи** хатарли сафар олдидан автобус ҳайдовчисига ишонч билдиради.



Худди отасига қўл узатган бола, шифокор қабулидаги бемор ёки автобусга чиққан йўловчи каби, биз ҳам ўзимизни Исога бағишлашимиз ва бу билан Унга бўлган ишончимизни билдиришимиз мумкин. Биз Унинг бизни ҳимоя қилиши ва етаклашига ишонамиз. Биз Уни Шоҳ ўрнида кўриб, Унга бўйсунамиз.

Масихга эргашишда босиладиган учинчи қадам нимадан иборат?

1. Гуноҳдан юз ўгириш.
2. Масихга эргашишнинг баҳосини тушуниб етиш.
3. Масихга _____.

17 Шимўн Исо Масихга ишонгач, У билан уч йил давом этадиган сафарга йўл олди. У Шоҳи ва Соҳибининг қувончли дамларига ҳам, қайғуларига ҳам шерик бўлди. У Исо хасталарни соғайтиргани ва ҳатто ўликларни тирилтирганини ўз кўзи билан кўрди! У худди Исо сингари одамларни яхши кўришни ўрганди. Исонинг шогирди Шимўн бора-бора Устозига ўхшаш бўлиб ўзгариб борарди. Вақт ўтиб, одамлар уни иккинчи исми билан, Бутрус дея атай бошлади.

Шимўн Бутрус қандай қилиб Исонинг шогирдига айланди? (*тўғри жавобни белгиланг*)

- а) Масихга ишониш орқали.
 б) Имон эътиқоди ибодатини такрорлаш орқали.

18 Ўзингизга маълум, шогирд устози қилган ишларни кузатиб, такрорлайди ва ундан ўрганади. Шимўн Бутрус мана шу тарзда Исонинг шогирди бўлди.

Биз ҳам Устозимиз Исонинг ортидан эргаша бошлаганимизда, Унга шогирд бўламиз. Гарчи Уни кўра олмасакда, У қилган нарсаларни такрорлашни ўрганишимиз ва Унга тобора ўхшаш бўлиб ўзгариб боришимиз мумкин. Исога Унинг хизматида ҳамкор бўлиш биз учун ниҳоятда шарафли мартаба.

Масихнинг шогирди бўлишда босиладиган учинчи қадам нимадан иборат?
 Масихга _____.

Тўртинчи қадам: Масихнинг жамоатига қўшилиш

19 Шимўн Исонинг чақирувига эргашди ва бу ишда у ёлғиз эмасди. У Масихнинг жамоатига қўшилди. Масихнинг шогирдлари битта гуруҳ бўлиб яшаб, ўзаро боғлиқ ҳолда ҳаёт кечиришарди. Бу ҳар хил қабилалардан, жамиятнинг ҳар хил табақаларидан келиб чиққан одамлар эди. Лекин улар бир-бирларини яхши кўришни ўрганган эди.



Бу осон кечмаган, албатта. Гоҳида улар ўртасида тортишувлар ҳам бўлиб турган. Шунга қарамай, улар бундай тортишувларни бартараф этишар, бир-бирларини кечиришарди. Шимўн Бутрус билдики, ким Масихга тегишли бўлса, Унинг _____ қўшилиши керак.



Ҳар бир имонлининг Масих жамоатига қўшилиши муҳим аҳамият касб этади! Бу ҳақда биз еттинчи дарсда кўпроқ билиб оламиз.

20 Исо Масих Шимўн Бутрусни Унга шогирд бўлишга чақирди. Бунинг учун Шимўнга қандай тўртта қадамни босишга тўғри келди?

1. Гуноҳдан _____;
2. Исога эргашишнинг баҳосини _____;
3. Масихга _____;
4. Масихнинг жамоатига _____.



Демак, бугунги дарснинг шахсан сиз учун моҳияти нимада?

- Эҳтимол, сиз Масихга шогирд бўлиб улгургандирсиз.**
Бу ҳолда, мазкур курс сизга Масихни таниб билишда ўсиб улғайишга ёрдам беради.
- Эҳтимол, сиз айна дамда Масихнинг шогирди бўлишга тайёрлигингизни сезаётгандирсиз.**
Бу ҳолда, мураббийингиз билан юзма-юз гаплашинг ва у сизга бу борада муайян қарор қабул қилишга ёрдам беради.
- Эҳтимол, сиз ушбу муҳим қарор ҳақида ўйлаб кўриш учун кўпроқ вақт ажратишни хоҳларсиз.**
Жуда соз, лекин бу қарорни қабул қилишни узоққа чўзманг, негаки бир кун келиб, қарор қабул қилишга кечикишингиз мумкин. Агар истасангиз, мазкур курсни ўрганишни давом эттиришингиз мумкин, лекин ушбу курс Масихнинг шогирди бўлишга қарор қилганингиздан кейингина сизга чиндан ҳам кўпроқ фойда беради.

1-ДАРС. АМАЛИЙ ТОПШИРИҚ

Бу ҳафта хилват жой топиб, қуйидаги саволлар ҳақида жиддий мулоҳаза қилинг. Сиз Масихга эргаганмисиз? Ёки Унинг шогирди бўлишга тайёрмисиз? Ёки бу қарор ҳақида мулоҳаза қилишга кўпроқ вақт ажратишни истайсизми?

Энди, келинг ўтилган материални бошдан кўриб чиқайлик.



1-ДАРС МАЗМУНИ

1. Матто 11:28-оятда Исо Масиҳнинг қандай ажойиб таклифини ёдлаб ўргандингиз? (эслолмасангиз, 1-саволга қаранг)

“ _____ Менинг олдимга келинглар!”

2. Масиҳнинг шогирди бўлиш учун босиш лозим бўлган тўртта қадамни кўрсатинг:

1. _____.
2. Б _____ Т _____.
3. М _____ и _____.
4. М _____ ж _____ қ _____.

1-ДАРС. ЖАВОБЛАР

- 1 ҳолдан тойганлар, оғир юк остида қолганлар,
- 2 ортимдан юр
- 3 парчани ўқинг
- 4 гуноҳкор инсонман
- 5 ҳар ким ўзи жавоб беради
- 6 Йўқ
- 7 б)
- 8 камтарин Алини
- 9 а) 2-расмдаги одам б) 1-расмдаги одам
- 10 в)
- 11 Гуноҳдан
- 12 баҳосини
- 13 ҳар ким ўзи жавоб беради
- 14 Масиҳ
- 15 қолдириб / эргашдилар
- 16 ишониш
- 17 а)
- 18 ишонишдан
- 19 жамоатига
- 20 1. Воз кечиш 2. Тушуниб етишга 3. ишонишга 4. қўшилишга



2-ДАРС. Масихда янги ҳаёт

Масихнинг шогирди бўлган одам бу шунчаки имон эътиқод ибодатини эътироф этадиган одам эмас, балки Исо Масихда мутлақо янги ҳаётга эга бўлган одамдир!

Янги ҳаёт қуйидагиларни ўз ичига олади:

- A. Шахснинг тубдан янгиланиши;
- B. Янгидан туғилиш;
- C. Янги табиат.

- 1 Келинг, мана шу ажойиб, янги ҳаёт ҳақида Муқаддас Китобда, Бутруснинг биринчи мактуби ёки қисқача айтганда, 1-Бутрусда нима дейилганини кўрайлик. Шимўн Бутрус ҳақида биз биринчи дарсдан ўқиб билиб олдик. Бутрус ушбу мактубни Худонинг бошқаруви остида ёзган. Мактуб шундай сўзлар билан бошланади:

“Исо Масихнинг ҳаворийси мен — Бутрусдан”

(1-Бутрус 1:1).

Бутрус ўзини қандай атайти? (тўғри жавобни белгиланг)

___ а) шогирд ___ б) ҳаворий ___ в) пайғамбар

- 2 Муқаддас Китобда “ҳаворий” сўзи махсус топшириқ билан юборилган одамни англатади (бу муқаддас битикларни олган одам эмас). Раббимиз Исо ўн икки кишини танлаб олди, уларга таълим берди ва сўнг уларни махсус топшириқ билан хизматга юборди. Шунинг учун ҳам улар “ҳаворийлар” деб юритилади. Уларга ҳаворий Бутрус бошчилик қилган.

Биз ушбу курс давомида Худонинг Каломидан қайси қисмни ўрганамиз?
 Ҳаворий _____ биринчи мактубини

- 3 1-Бутруснинг биринчи ояти бизга ушбу мактубнинг Худо бошчилигида ким томонидан баён этилганини кўрсатади. Шунингдек, бу ерда мактубнинг кимга йўллангани ҳам кўрсатилган. Бу Масихга эргашган одамлар бўлиб, улар бугунги кунда Туркия давлати жойлашган ҳудудда истиқомат қилган. Мазкур оятда Бутрус уларни “танланган халқ” деб атайти.

➤ **Бир муддат тўхтаб, Худога бизни танлаб олгани учун раҳмат айтинг!**

4. Ўша оятнинг ўзида Бутрус уларни “мусофир” деб атайти. Эҳтимол, сиз ватанингиздан йироқда яшаётгандирсиз, ё бўлмаса, ватанингизда яшаб келсангизда, оилангиз сизни рад этгани учун, эндиликда оилангиздан ажралиб қолгандирсиз. Буни бошдан ўтказиш осон эмас!

Шунга қарамай, биз Худо учун киммиз? Унинг _____.



А) Янги шахс сифатида мансублигимиз

- 5 Ҳақиқатан ҳам, биз “Худонинг танланган халқимиз”! Атрофимиздаги эски яқинларимиз бизни рад этган тақдирда ҳам, “Худо биз томонда экан, ҳеч ким бизга қарши тура олмайди! ... Худонинг танлаганларини ким айблаётди?!” (Рим. 8:31,33) “Шундай экан, наҳотки Худо туну кун илтижо қилаётган Ўз танлаганларини ҳимоя қилмаса?!” (Луқо 18:7)

Масиҳнинг шогирдлари сифатида биз ким бўламиз? (тўғри жавобни белгиланг)

- ___ а) Худонинг танланган халқи;
 ___ б) ғайридин одамлар;
 ___ в) муртад одамлар.

- 6 Кейинги оятда “Отамиз Худо азалда қарор қилиб, сизларни танлаган эди”, дейилган (1 Бутрус 1:1б-2).

Ота-онасини йўқотган бола ҳақида ҳикоя. Етим қолган болани бир эрхотин асраб олибди. Уни тарбия қилиб ўстирибди. Орадан вақт ўтиб, бир куни кўча-куйдаги болалар бу боланинг асраб олинганини айтиб, уни камситишибди. Шунда бола уларга жавоб бериб дебди: “Йўқ, назаримда сизларга эмас, айнан менга кўпроқ иззат-эҳтиром кўрсатилган. Қайси бирингизни отангиз танлаб олди? Мени эса отам ўзиники қилиб, танлаб олган!”

Худонинг танлангани бўлиш нақадар шарафли! Биз бунга яхши амалларимиз билан эришдик десак, тўғри бўладими?

[Ҳа / Йўқ]

- 7 Худо бизни севгани учун танлаб олди, Худонинг севгисига лойиқ бўлганимиз учун эмас. Биз Исо Масиҳ воситасида Худога эргашишга бел боғлаганимиз ҳам чин ҳақиқатдир. Қандайдир йўл билан Худонинг танлови бизнинг Унга эргашиш истагимиз билан уйғунлашиб, самара беради.

Масиҳда янги шахс сифатида мансублигимиз нимадан иборат? Худонинг _____.

Б) Бизнинг янги ҳаётимиз

- 8 Чувалчанг билан капалак қурти ўртасида қандай фарқ борлиги сизга маълум. Гарчи улар жуда ўхшаш бўлсада, барибир бир-биридан кескин ажралиб туради. Чувалчанг умри бўйи заррача ҳам ўзгармайди, ўрмалаб юраверади. Капалак қурти эса ажойиб ўзгаришларни бошдан кечиради. Капалак қурти ўлмайди, балки _____ айланади. (расмга қаранг)



9 Баргда ўрмалаб юришдан бошқасига ярамаган, кўримсиз капалак қуртининг чиройли капалакка айланиб, ҳавода парвоз қилиши ажабланарли эмасми? Худдики “янги ҳаётга” ўтиб, янги ижод бўлганидек.



Капалак қуртида қандай ўзгаришлар рўй беради?
У ўзига хос “янги _____ ўтиш жараёнини” бошдан кечиради.

10 Сиз Исо Масихга эргашдингизми? Ойнага қараганингизда сиз худди аввалги одамни кўрасиз, бироқ бу шунчаки ташқи кўриниш бўлади. Аслида сизда жуда катта ўзгариш рўй берган, буни худди капалак қуртининг капалакка айланиши жараёнига қиёслаш мумкин. Масих воситасида рўй берадиган бу ажойиб ўзгариш “янги ҳаёт” деб аталади.

Ким мана шу ҳаётга эга бўлади? (*битта жавобни белгиланг*)

- ___ а) мамлакатимизда истиқомат қилган барча фуқаролар;
___ б) Масихга шахсан ишонган ва Унга эргашган барча одамлар;
___ в) масихийлар оиласида туғилган барча одамлар.

11 1 Бутрус мактубининг навбатдаги оятида мана шу янги ҳаёт ҳақида шундай дейилади:

Раббимиз Исо Масихнинг Отаси Худога ҳамду санолар бўлсин! У бизга беҳад раҳм-шафқат кўрсатиб, янги ҳаёт берди. Исо Масих ўликдан тирилиб, барҳаёт бўлгани учун энди бизнинг умидимиз бор.

(1 Бутрус 1:3)

Ушбу оятга кўра, бизга бу янги ҳаётни ким берди?

- ___ а) Худо, беҳад раҳм-шафқат кўрсатиб;
___ б) биз бунга хайрли ишларимиз билан ўзимиз эришдик;
___ в) авлиё одам биз учун ибодат қилиб, бизни бунга эриштирди.

Сиз-чи, бу Янги Ҳаётга эга бўлдингизми?

12 Худо бу янги ҳаётни барчага таклиф қилади, бироқ ҳамма ҳам уни қабул қилавермайди.

Расмда шифокор учта беморга нима дегани ва улар бунга қандай жавоб берганларини ўқинг:





А, Б ва В бандлари остида кўрсатилган учала бемордан қайси бири соғайиб кетади? _____

13 Худди шу тарзда, қуйида кўрсатилган учала одамдан қайси бири Масихда бериладиган янги ҳаётни қабул қилади? (битта вариантни белгиланг)

- ___ а) “О, Масих, Сен ўргатган таълимотга ишонаман, бироқ Сени ҳаётимга қабул қилишга қўрқаман” – деган одам.
- ___ б) “Сенга ишонмайман” – деган одам.
- ___ в) “Раббий Исо, мен Сенга ишонаман. Ўзимни Сенга ишониб топшираман. Ҳаётимга кириб кел, ёлвораман!” – деган одам.



Сизнинг ҳолатингиз А, Б ва В вариантлардан қайси бирига яқин? Агар ҳали ўзингизни Исо Масихга ишониб топширмаган бўлсангиз, бу борада мураббийингиз билан юзма-юз гаплашиб олишингизни сўраймиз. Ушбу курснинг қолган қисми Масихни қабул қилганларга мўлжалланган.

В) Бизнинг янги табиатимиз

14 Биз Масихнинг шогирдлари сифатида “янги шахс бўлиб шаклланиш” ва “янги ҳаёт” ҳақида билиб олдик. Шунингдек, Исо Масих бизга янги табиат ҳам беради, бу аслида Унинг бизда жо бўладиган табиати.

Келиб чиқиши худди сизникидай бўлган жуда кўп одамлар Масихнинг шогирдлари қаторига қўшилишган. Мана шундай одамларнинг айримлари Масих уларнинг ҳаётида қилган ижобий ўзгаришлар ҳақида гувоҳлик бериб, шундай ёзади:



Самад: “Масихда кечирилган ҳаёт қувонч ва руҳий қониқиш олиб келади” .

Рустам: “Исо менга қувонч ва тинчлик берди”.

Сабина: “Юрагимдаги бесаранжомлик ва хавотирлар йўқолди”.

Заура: “Оғир юкдан ва қўрқувдан халос бўлдим”.

Дина: “Худо мени боримча қабул қилишини биламан”.

Армон: “Ўтмишим зулматда ўтган: ичкилик, аёллар, гуноҳ ҳаётимни эгаллаб келар эди. Эндиликда ҳаётимга ёруғлик кириб келди, бояги иллатлар ўрнини севинч ва тинчлик эгаллади”.

(Ральф Уоттоннинг “Исо – пайғамбардан буюк” китобидан)

Буларнинг ҳаммаси ҳозирги кунда бор одамлар. Уларнинг ҳаётида қандай ўзгаришлар рўй берди? (*битта вариантни белгиланг*)

- а) Исо Масих уларга янги табиат берди ва бу билан бирга кўп ижобий ўзгаришлар киритди;
- б) Уларнинг ҳаёти аввалгидан кўра ёмонлашди;
- в) Уларнинг эски табиатида ҳеч нарса ўзгармади.

15 Исо Масих Унга эргашган бу каби шогирдларининг ҳаммасига Ўзининг янги табиатини ато қилади. Худди улар сингари, биз ҳам янги қувонч ҳиссини, Худо берадиган тинчликни бошдан кечиришимиз мумкин. Бироқ бу ерда энг муҳими бизнинг ҳис – кечинмаларимиз эмас. Энг муҳими – бу Исонинг характеримизда қиладиган ўзгаришларидир. Қуйида ҳаётдан олинган бир нечта мисол келтирамиз:

Пўлат: “Исо менга тамаки чекиш одатидан озод бўлишга ёрдам берди”.

Носир: “Исо менинг одамларга бўлган эски, мағрур муносабатимни ўзгартирди”.

Руслан: “Дудуқланиб гапирар эдим, норасолик ҳисси мени қийнарди. Мен буларнинг ҳаммасидан озод бўлдим”.

Рашид: “Тўполончилик қилмай қўйдим”.

Замира: “Бошқа одамларга бўлган қизиқишларим ғоят ортди”.

Зарина: “Ҳаётимда мағрурлик ва худбинликнинг ўрнини Худога хизмат қилиш руҳи эгаллади”.

Фотима: “Бизнесда Раббимга ишониб иш тутишни ўргандим ва энди ҳалол меҳнат қиляпман”.

Марям: “Бошқа одамлар Масихнинг мукамал севгисини таниб-билишлари учун хизмат қилишни истайман”.

(Ральф Уоттоннинг “Исо – пайғамбардан буюк” китобидан)



Масих шахсий ҳаётингизга қандай кўринарли ўзгаришлар олиб келди? Ўз мулоҳазаларингизни ёзинг ва бу ҳақда муҳокама вақтида бўлишига тайёр бўлинг: _____

- 16 Агар юқорида санаб ўтилган барча ўзгаришларни ҳали ҳис қилмаган бўлсангиз, ташвишланманг. Масихда ўсиб борар экансиз, улар аста-секин сизнинг ҳам ҳаётингизда кўриниш беради. Бола катта бўлиши учун кўп йиллар керак бўлгани каби, одамнинг руҳан етук масиҳий бўлиб етишиши учун ҳам “янги ҳаётга” эга бўлганидан кейин узоқ йиллар талаб этилади.

Бироқ, Исо Масих юрагингизда яшар экан, сиз ўзингизда кимнинг “табиатини” тобора кўпроқ сезиб борасиз?

- ___ а) эски гуноҳкор табиатни;
___ б) Масихда янгиланган янги табиатни.

Бизнинг руҳий курашимиз

- 17 Гарчи Исо Масихда янги табиатга бурканган бўлсакда, биз шу билан бирга эски табиатимиз билан руҳан кураш олиб боришимиз лозим. Бу кураш ҳар куни, то умримиз охиригача давом этади.
Худонинг Каломи бизга шундай буюради:

“Энди эса жаҳл, ғазаб, ёвузликларнинг ҳаммасини бир четга йиғиштириб қўйинглар. Оғзингиздан ҳеч қандай жеркиш ёки ножўя сўз чиқмасин. Бир-бирингизга ёлғон гапирманглар. Чунки сизлар эски табиатингизни, унинг ёмон одатлари билан бирга ўзингиздан соқит қилдингизлар. Бунинг ўрнига сиз янги табиатга буркандингиз. Сизлар Худони яқинроқ билиб бораркансиз, сизнинг янги табиатингиз уни яратган Худонинг суратига ўхшаб бормоқда”

(Колосаликларга 3:8-10).

Ушбу оятларга кўра (*тўғри жавобларни белгиланг*)

- а) Биз қандай табиатни ўзимиздан соқит қилдик?
[эски табиатимизни/ янги табиатни]
- б) Биз қандай табиатга буркандик?
[эски табиатга/ янги табиатга]

- 18 Куйида келтирилган расмларда ҳар хил ҳаракатларни амалга ошираётган масиҳийлар кўрсатилган. Ҳар бир банд қаршисига кишининг қандай табиат йўриғида иш тутаётганига қараб, бунинг “эски” ёки “янги” табиат эканлигини белгиланг:





“Энди одамларга бўлган меҳрим янада ортди”.

“Келинг, сизга ёрдам берайин!”

“Ичкиликни ташлолмайман”

“Эй, овсар хотин! Яна овқатингнинг таги олибди-ку!”



“А” бандида –

табиат;

“Б” бандида –

табиат;

“В” бандида –

табиат;

“Г” бандида –

табиат;

19 Янги табиатимиз аслида юрагимизга солинган Исонинг табиати бўлиб, у ҳар куни бизнинг эски, гуноҳли табиатимиз билан кураш олиб боради. Бир оддий чўпон бу курашни таърифлаб, шундай деди: “Ҳаётимда икки эчки сузишаётгандек ўзимни ҳис қиламан. Уларнинг бири оқ, бошқаси – қора”. “Хўп, қайси эчки енгади?” – деган саволга эса: “Қайси бирига жонбозлик қилсангиз, қайсисини боқсангиз, шуниси-да!” – жавоб берди у.

- **Чўпон айтган масал ҳақида мулоҳаза қилиб кўринг. Қора эчки бизнинг эски табиатимизни англатади, оқи эса – янги табиатимизни. Аини кунларда ҳаётингизда қайси эчки енгиб боряпти? Нимага? Буни муҳокама қилишга тайёр бўлинг.**



Келинг, бугунги дарсимиздан Масихда қандай буюк имтиёзларга эга бўлганимизни ёдлаб олайлик:

- Худонинг танланганлари сифатида янги мансубликка эга бўлдик;
- Худди капалак қурти капалакка айланиши сингари, биз ҳам янги ҳаётга эга бўлдик;
- Масих воситасида бизнинг янги табиатимиз аста-секин эски, гуноҳкор табиатимизнинг ўрнини эгаллаб бормоқда.



20 Худонинг Каломидан қуйидаги оят бугун ўрганганларимизни умумлаштиради:

“Бинобарин, ким Масиҳга тегишли бўлса, у янги ижоддир. Эски ҳаёт ўтиб кетди, янгиси эса бошланди”

(2 Коринфликларга 5:17).

Бўш жойларни тўлдириш ва ушбу оятни то ёдлаб олмагунингизга қадар ўқиб такрорланг:

“Бинобарин, ким _____ тегишли бўлса, у _____ ижоддир. _____ ҳаёт ўтиб кетди, _____ эса бошланди”. (2 Коринфликларга 5:17)

Энди қуйидаги сўзлар билан ибодат қилинг:

“Парвардигор, буюк илтифотинг билан Сен бизни танланган халқ қилиб бу дунёдан ажратиб олдинг. Раҳмат Сенга! Менга янги ҳаёт ва янги табиат берганинг учун ҳам раҳмат. Масиҳнинг қудрати билан ҳаётимнинг ҳар бир кунда, эски, гуноҳли табиатимга қарши руҳий курашда менга мадад бер. Омин”.



2-ДАРС. АМАЛИЙ ТОПШИРИҚ

Рўйхат тузинг ва унда янги табиатга эга бўлганингиз туфайли ҳаётингизда рўй берган учта ижобий ўзгаришни кўрсатинг. Мана шу ўзгаришлар учун Худога раҳмат айтинг. Шу билан бирга эски табиатингизга хос бўлган ва ҳозирга қадар ҳаётингиздан жой олиб келаётган учта одатни кўрсатинг. Бу ҳафта Худонинг ёрдами билан мана шу ёмон одатларингизга қарши курашинг.

2-ДАРС МАЗМУНИ

- 1 а) Одам Масиҳга ишонганда у билан нима юз беради?
Унинг ҳаёти _____
- б) Масиҳнинг шогирдлари сифатида биз қандай янги мансубликка эга бўламиз? Худонинг _____
- 2 Биздаги [эски /янги] гуноҳли табиат Масиҳда бериладиган [эски /янги] табиат билан руҳий кураш олиб боради. (нотўғри жавобларни ўчиринг)
- 3 Исо Масиҳ Ўз издошларининг ҳаётида қиладиган ўзгаришлардан иккитасини мисол қилиб келтиринг. (агар келтиролмасангиз, 11 – 12 саволларга қаранг):



4 2 Коринфликларга 5:17- оятни ёд олиб, унда бўш қолдирилган жойларни тўлдилинг:

“Бинобарин, ким _____ тегишли бўлса, у _____ ижоддир.
_____ ҳаёт ўтиб кетди, _____ эса бошланди”.

2-ДАРС. ЖАВОБЛАР

1. б)
2. Бутруснинг
3. ҳар ким ўзи жавоб беради
4. танланган халқи
5. а)
6. Йўқ (агар бунга ишончингиз тўлиқ бўлмаса, бу ҳақида мураббийингиз билан гаплашиб кўринг)
7. танланган халқи бўлганимизни
8. капалакка
9. ҳаётга
10. б)
11. а)
12. в)
13. в)
14. а)
15. муҳокамага тайёр бўлинг
16. б)
17. а) эски табиатимизни б) янги табиатга
18. а) янги б) янги в) эски г) эски
19. муҳокамага тайёр бўлинг
20. оятни ёд олинг

